

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

tiam, Matth. 10. vers. 19. Sequere igitur cum piscatoribus hisce vocationem Christi, & fidelis esto in minimis, tunc constituet te Do-

minus super multa, Matth. 25. vers. 21. Hoc mihi & tibi concedat Christus Jesus ter benedictus in secula, Amen.

In Die S. Thomæ.

Evangelium Iohann. 20. vers. 24. 29.

Refert Moses Gen. 45. v. 26. & 28. de Jacobo Patriarcha, quod cum filii eius ab itinere frumentationis reduces ipsi nunciascent, Josephum adhuc superstitem esse, & in terra Ægypti regnare, credere, illud præ gaudio non potuerit, sed potius somnium se audire existimaverit, donec post aliquot ipse dies suis oculis eum conspicatus sit; ubi exclamavit per ixorātū quasi pio admirationis sensu: Jam latus moriar, quia vidi faciem tuam.

Simile quid contingere videmus in hodierno Evangelio. Postquam enim reliqui Apostoli Thomæ Collegæ suo enarrant Christum à mortuis resuscitatum omnibus sibi redivivum apparuisse, credere prorsus noluit, donec tandem suis eum conspiciens oculis & manibus contrectans octiduo post gaudio & stupore plenus exclamat: Dominus meus & Deus meus, q. d. Si tantā polles virtute, ut crucifixus & mortuus proprio marte resurgas, meus deinceps Dominus eris & Deus, cui serviam & confidam in seculum.

Accingemus nos sine ulteriori præfatione ad ipsius historiæ explicationem, quæ duabus partibus absolvitur, ut sunt:

I. *Lapsus Thomæ detestabilis.*

II. *Sublevatio Christi amicabilis.*

J. J.

E X E G E S I S.

T Huribula seditione & factionis, Core, Da-

than & Abiran Deus tollere, inque laminas producere, & in altari suspendere jubar, Numer. 16. v. 38. Ita Thomas incredulitatem quotannis repetit Ecclesia ad memoriam & correctionem, ut lapsus majorum sit tremor minorum. Hinc Bernhardus: Plus nobis, inquit, prodet Thomæ dubitatio, quam aliorum fides, dum per hoc exemplum quasi excitamus, ut incredulitatem cane & angue pejus fugiamus, & in vulneribus Christi nos abscondentes ad vitam eternam conservemur.

Tria autem circa lapsum Thomæ consideranda veniunt

I. *Personæ notatio*, quæ describitur

I. *Ratione nominis*. Dicitur enim Thomas græcè θίδωμα, latinè gemellus, quia cum fratre alio uno eodemque partu in lucem prodit, quales gemelli etiam Esau & Jacob fuerunt, Gen. 25. v. 24. mentio ejus sit Matth. 10. v. 3. Marc. 3. v. 18. Luc. 6. v. 15. Act. 1. v. 13, ubi reliquis Apostolis annumeratur, itemque Joh. 11. v. 16. & Joh. 14. v. 5. 6. Hoc nomine accepit Thomas in circumcisione, nec mutavit postea ad Apostolatum ecclesius, quod Pontifices Romani in usu habent. Autor fuit Sergius II. Is cum in baptismo sibi impositum haberet Os porci, Serwissel, ignominiosum sibi existimans, Sergium se nominari voluit, quam consuetudinem reliqui Pontifices imitati sunt omnes excepto uno Marcello, qui de mutando nomine ad-

Vid. infra.
part. 3. pag.
536. a.

Ss 2

moni-

monitus scitè respondit : nec nomen, nec mores: Marcellus fui, Marcellus ero. Hoe ipso satis declarant, quod cum nomine simul fidem abnegaverint. Hic nominat se Bonifacium, qui per dies vitæ nihil boni operatus est, ille nominat se Innocentium, qui multis peccatis obnoxius est, iste nominat se Clementem, qui tyrannico animo fideles exagit. Huc pertinent omnes illi, qui patrii soni perturbati Græcam mollitatem in nominibus affectant, quod de Judæis Josephus commemorat, quorum Pontifices tempore Maccabœorum græca nomina assumbant, & Jasones, Menelai, &c. appellari volebant, 2. Macc. 4. v. 7. seqq.

2. Ratione muneris. Dicitur enim unus ex duodecim. Quanquam enim tum undecim saltē erant Apostoli, quia Judas abierat in locum suum, Act. 1. v. 25. nihilominus respectu primæ institutionis appellantur et dñs dñna, quia numerus duodenarius à Christo non sine causa ordinatus & consecratus est, ut impleretur typus duodecim Patriarcharum, qui Ecclesiam Judæam plantarunt, Gen. 35. v. 22. duodecim fontium, in Elim, qui potum præbuerunt populo Isrælitico, Exod. 15. v. 27. duodecim præfectorum Salomonis, qui domum ejus procurabant, 1. Reg. 4. vers. 7. duodecim exploratorum, qui fertilitatem terræ Canaan populo deprædicabant, Deutern. 1. vers. 23. &c. duodecim boum, qui mare æneum in templo Salomonis portabant, 1. Regum. 7. vers. 23. &c. hinc statim post ascensionem Christi ad cœlos Matthias in vicem Judæ adoptatus est, Actorum. 1. vers. 26.

Apparet hinc, quando vel ex Doctoribus vel ex auditoribus quidam deficiunt, quām facile Deus rupturam illam resarcire

*of Luc. 7.
30. Sheth
19. 28.*

possit, quod jam dudum in Saule, cui Davidem, 1. Sam. 13. v. 14. &c. in Judæis, quibus gentes substituit, effectum dedit, Act. 13. vers. 46. Non igitur despondeatis animum, vos mei, quando videtis periculissimis hisce temporibus multos ab Evangelio deficere, & characterem bestiæ assumere, conservabit sibi Deus aliquod semen, nimirum septem millia, qui genua non flectunt coram Baal, 1. Reg. 19. v. 18. & si vel maximè omnes deficerint, potens est ex lapidibus sibi filios suscitare, Luc. 3. v. 8.

II. Incredulitatis generatio, quæ inde originem trahit, quod ipso resurrectionis Dominicæ die Apostolorum congregacionem neglexit, nam non erat cum eis quando Jesus venit, inquit Evangelista.

Caveamus igitur, ne ab Ecclesia nos subducamus, Eb. 10. v. 25. sed lætemur potius cum Davide, quando cultum divinum visitare debemus, Psal. 42. v. 5. 122. v. 1. ubi enim duo vel tres congregati sunt in nomine meo, inquit Christus, in medio sum, Matth. 18. vers. 20. ibi sonat verbum vitæ, Joh. 6. vers. 68. per quod accenditur fides, Rom. 10. v. 17. sine quo impossibile est Deo placere, Ebr. 11. v. 6.

III. Effrenata perseveratio. Eousque enim progreditur in sua incredulitate, ut nullâ ratione sibi persuaderi patiatur, Christum resurrexisse, sed potius contradicere reliquis suis collegis, dum hi resurrectionis Christi veritatem læto ore ipsi annunciant, & expressè ait: nisi videro in manibus ejus vestigia clavorum & mittam digitū meum in locum clavorum, & mittam manū meā in latus ejus, non credam. Vox certè stupenda & impia, si spectes

1. Subjectum personale. Thomas enim unus erat ex duodecim, quem Christus ipse in

in schola sua concionibus eruditis & miraculis concomitantibus informaverat, qui etiam viderat suis oculis, quām facile esset Christo mortuos suscitare, & exemplum Lazari adhuc in recenti memoria habebat, Ioh. ii. v. 43. 44. nihilominus omnem fidem derogat Apostolis reliquis, dum Christum resuscitatum se vidisse & loquentem audivisse ipsi annunciant.

Videtis hic dilecti, quod nemo sine crimen vivat, sed justus etiam septies in die cadat, Prov. 24. vers. 16. nam inter sanctos non est integer, Iob. 15. v. 15. 16. quoties igitur legis in Scripturis de Noæ temulentia, Gen. 9. v. 21. de Lothi incestu, Gen. 19. v. 36. de Mosis homicidio, Ex. 2. v. 12. de Aarons idololatria, Ex. 32. v. 4. de Davidis adulterio & homicidio, 2. Sam. 11. v. 4. seqq. &c. humilitatem sectare & cogita: Si fit hoc in viridi, quid fiet in arido? Luc. 23. v. 31. adeoque cum tremore & timore operare salutem tuam, Phil. 2. v. 12.

2. *Obiectum reale*, peccatum nimirum, in quod prolapsus est Thomas, hoc est incredulitas, mater & radix omnium peccatorum. Non enim vult credere Deo Patri, qui resurrectionem Filii sui ab aeterno decrevit. Non vult credere Deo Filio, qui hanc ipsam in diebus carnis sua sapientius promisit. Non vult credere Deo Spir. S. qui per Prophetas locutus est, & varia de hoc articulo vaticinia edidit. Non vult credere S. Angelis, qui resurrectionem annunciarerant. Non vult credere tot fide dignis & oculatis testibus, qui ipsum viderant & palpaverant. Adhac pertinaciter in sua incredulitate obduratur per totum ostenduum, & nullum nisi ocularem demonstrationem admittere cupit.

Ergo prudenter ambula, ne & tu tente-

ris, Gal. 6. v. 1. sistas videne cadas, 1. Cor. 10. v. 12. & in primis fuge incredulitatem, quæ fons est & origo omnium aliorum peccatorum. Cur blasphemiae increbescunt? Part. III. quia nemo credit secundo precepto, ubi p. 538. b. Deum omnibus qui nomen ejus in vanum ducunt, cercissimam peccatum comminatur Ex. 20. v. 7. Cur Sabbathum violatur undique, & conciones verbi divini à multis pro nihilo habentur? Nemo est qui credit tertio precepto, ubi sanctificatio Sabbathi precipitur. Cur scortatio & adulterium pro peccatillo à mundanis reputatur? Non credunt sexto precepto, ubi Deus à nobis exigit castitatem in verbis & operibus, ut unusquisque conjugem suam amet & honoret. Idem de reliquis peccatis judicium esto, quæ omnia ex radice incredulitatis suppululant. Proinde eum faciles simus ad seducendum, debiles ad operandum, & fragiles ad resistendum, necessitas efflagitat, ut quotidie cum Apostolis pro fidei incremento & stabilitamento sollicitemus: Domine adauge nobis fidem nostram, Luc. 17. v. 5. & cum Patre lunatici: credo Domine, sed tu succure incredulitati mea, Marc. 9. v. 24. tunc linum fumigans non extinguet, & calamum quassatum non conteret, Es. 42. vers. 3. sed quod cœpit in nobis bonum opus, perficiet usque in diem Iesu Christi, Phil. 1. v. 6.

De Secundo.

VIdimus lapsum Thomæ detestabilem, videbimus etiam per Dei gratiam sublevationem Christi amicabilem, ubi duo potissimum consideranda occurrant:

I. *Modus*, quomodo lapsum erexerit, nimirum

I. *Repetitâ accessione*, quæ est

II. *Gratiosa*. Thomas stupendâ suâ incre-

Ss 3

duli.